

L'uniun ëi Val Badia/Kmb inviëia düc i ëi y i jogn en mercuri ai 13.05.2015 dales 21.00 a Porsenú ala prozesciun cun linternes o ciandëres (da se tó para). An pëia ia da Porsenú (Parkplatz – Aquarena) dales 21.00 cina a Neustift (ca.1 ora) y dailó éi la Santa Mëssa. Dala Val Badia sarál n pulman y düc i interesciá dess se anunzié pro l'surastant dl paisc o pro Salvester Vittur 3337247516 cina ai 10.05.2015.

Gita/Pelegrinaje: le K.V.W. de Badia, La Ila y S.Ciascian inviëia ala gita a Altötting (Bayern) en **mertesc ai 19 de má** cun S.Mëssa zelebrada da Siur Degan. Le prisc (bus + marëna) é de 42.00 € por i scric ite tl KVW y 44.00 € por i atri. An pëia ia da Pedraces dales 05.30. Prenotaziuns pro Alma Valentini (333-6769105) y Giuvana Clement (0471-839772).

Referat: le Grup Volontariat inviëia al referat “Der befreiende Umgang mit Fehlern” cun Sr. Teresa Zukic en mertesc, ai 05.05.2015 dales 20:00 te Ciasa Runcher.

Pelegrinaje dles patrones a Sand in Taufers domisdé ai 07.05.2015. Prenotaziuns pro la surastanta dl post o pro Rita 335/1019128 (atira).

Lavé la dljia: i geniturs di crejimanc y de chi dla 1.Comuniun é dër bel peria de gní a daidé lavé la dljia en mercuri, ai 06.05.2015 do mëssa.



En lünesc, ai 04.05.2015 complësc **Caterina Anvidalfarei Bertoldi** da S.Linert **86** agn. L'Seniorenclub y düta la Comunité ti aoda dütt l'bun, sanité y benedisciun de Dî.

Conzert dla Scora de musiga Val Badia: düc é dër bel inviá a chësc conzert en mercuri ai 06.05.2015 dales 18.00 te scora mesana a La Ila.

“Isté deboriada”: le Sorvisc ai Jogn lascia alsavëi che a Badia éi gnü metü lapró n'edema dai 03.08. ai 07.08.2015. Infos al nr.0474/523070.

Jonëza y lites de comun 2015: i dis dan les lites organisëia le Sorvisc ai jogn Val Badia sëres d'informaziun y discusciun sura temesc dla jonëza. Al moderaia Diego Clara y al tól pert i candidat da umbolt y dui candidat jogn de vigne lista. Pur l'comun de Badia en jöbia, ai 7 de má, dales 20:00 tla Ciasa dla cultura a La Ila. Düc i interesciá é inviá a tó pert.

Le Comun da Corvara: chir por dües edemes de messé 2015 (20.07 – 31.07.) dal lünesc al vëndres, na porsona a cujiné por la scolina da Corvara. Informaziuns te Comun o al nr. 0471 - 836480.



Usc dla Cüra BADIO

Tel./Fax 0471 839571 - E-Mail: parrocchiabadia@libero.it - www.valbadiaonline.it

Nr. 23	Edema: 03.05.– 10.05.2015
--------	---------------------------

Vangele dla Dumënia che vëgn - VI° de Pasca „B“ Jan. 15, 9-17

Te chël tëmp á Gejù dit a sù discepui: Sciöche le Pere m'á orü bun, insciö ves ái ince iö orü bun. Romagnede te mi amur! Sc'i osservëis mi comandamënc, romagnëise te mi amur, sciöche iö á osservëi comandamënc de mi Pere y romagni te so amur. Chësc ves ái dit, por che mia ligrëza sides te os y por che osta ligrëza devëntes plëna. Chësc é mi comandamënt: Oresse bun un al ater sciöche iö ves á orü bun. Al n'é nia n maiú amur co sce dà ca súa vita por sù amisc. Os sëis mi amisc, sc'i fajëis ci ch'i ves dá sö. I ne ves diji nia plü fanc, deache le fant ne sa nia ci che le patrun fej. I ves á dit amisc, ciodich'i ves á comuniché döt, ci ch'i á aldí dal Pere. Nia os ne m'ëis chir fora, mo iö ves á chir fora y ves á destiné ch'i jëise y portëise früt y che osc früt romagnes. Spo ves dará le Pere döt do ci ch'i le periëis te mi inom. Chësc ves comani: Oresse bun un al ater !

**JESUS
NENNT
UNS
FREUNDE**



**UND
SCHENKT
UNS
FREUDE**

FUNZIUNS SACRES

03.05. V.DOMËNIA de PASCA–S.Florian/Patronn di Stüdafüch

- 10.00 Mëssa por i Stüdafüch con benedisciun de auti/motors
15.00 Festa da Bato
18.00 †ta Rita Tasser Alfarei - aniversar
por fam. Franz y Anna Rudiferia en rengr. a S.Maria
por les püres animes

04.05. Lúnesc

- 20.00 *Devoziun de má (arjignada ca da "Legio Mariae")*

05.05. Mertesc

- 20.00 †ta Milia Deval
por les animes dl purgatore

06.05. Mercui - *Mëssa cun i scolars*

- 07.30 †to Mariangel Pescolderungg - aniversar
†ta Maria Pitscheider Valentin
por fam. Paul y Ida Valentin

07.05. Jöbia – *Mëssa cun i cresimanc y studënc*

- 20.00 †ti Giarone y Marianna Vittur
†to Manfred Moling y por la familia

08.05. Vëndres

- 07.30 †to Gottfried Costa - aniversar
†ti Giuseppe y Maria Irsara - aniversar
†ti Bertuolo
19.30 *Funziun al Spirit Sant*



09.05. Sabeda

- 16.00 Mëssa a Oies
20.00 *Devoziun de má (arjignada ca dal grup Volontariat)*

10.05. VI.DOMËNIA de PASCA – FESTA dla CREJIMA

"Festa dla Uma"

- 08.30 S.Mëssa
09.45 *Dan Calonia:* Salüt y ingres te dlijia
10.00 Mëssa cun aministrazion dl Sacramënt dla Crejima
18.00 †to Pire Valentini - aniversar
por les families de Trinele Valentin
por fam. Lois y Annemarie Valentin en rengraz.

Dala VITA dla CÜRA



FESTA dla CREJIMA

en domënia, ai 10.05.2015


Dales 09:45 se abinun dan calonia a saludé l'minister dla Crejima siur Ulrich Fistill, spo ingres te dlijia. Les proches resta rerservades por i familiars; præibel se tigní ai ordini dles porsones inciariades.

Confesciun di Crejimanc: en lönesc, ai 04.05.2015 dales 16:00.

Proa por i düc i crejimanc: en vëndres, ai 08.05.2015 dales 17:00 te dlijia.

Funziun al Spirit Sant en vëndres, ai 08.05.2015 dales 19:30 a chëla che düc é inviá, dandadüt i geniturs y i toc y totes di crejimanc.

Orar dles mësses: da sëgn inant sará la mëssa dl mertesc y dla jöbia dales **20:00** y nia plö dales 19:30 y ince la funziun de má.



Chësta domënia, ai 03.05.2015 ciafa l'Sacramënt dl **BATO** l'pice **Maximilian** de Andreas y Cristina Töchlerle. Al pice che tolun sö cun ligrëza te nosta comunité cristiana y a sü geniturs tröpes audanzas.

Preparaziun al Bato: la Uniun dles Ères Catoliches dl decanat inviëia i geniturs che á n pice möt da batié, përs che aspeta, toc y totes ala preparaziun dl Bato en sabeda ai 16.05.2015 te Ciasa dles Uniuns a La Pli de Mareo. Prenotaziuns al nr. 0474/523274.

Comuniun ai amará: siur Degan jará en vëndres, ai 08.05.2015 dales 09:30 inant a proveder.

Referat: l'Consëi de Cüra inviëia düc en jöbia, ai 07.05.2015 dales **20:30** te Ciasa Runcher al referat de siur Sepl Granruaz: "*L'ingordia – la porsona vëiga le davagn, nia le prigo*".

Dumënia de San Florian – Festa di Stüdafüch

En la 1/a Dumënia de Má é l'Uniun di Stüdafüch che festejëia y onorëia so Protetur. Deboriada periunse de gní stravardá da l' me de füch y da d'atres desgrazies. I tolun ince la ocasiun de lascé benedí i auti y i ciáfërs. Nos dla Cüra y dl paisc rengraziun de cör i Stüdafüch por so bun sorvisc, ince ales festes, prozesciuns y sopultöres. I periun la jënt de stimé ai ordini, por che düc pois jí do regola al bëgn dla comunité. Giulan y præitambel !
siur degan